

Das Erste Buch

Weinstein 1. Loh/ Silbergleit/ Safft von Salbey/ so viel gnug ist/ mache darauß eine Salbe/ schmiere damit eine bleyerne Bürste/ vnd streich damit das Haar off/ so wird es schwarz.

Item/ stillire weiß Honig in einem gläsin Kolben/ mit starkem Fehr/ vnd schmiere oder wasche den Bart oder Haar mit diesem Wasser/ welches zuvor mit Laugen abgewaschen/ vnd wiederumb abgetrückt.

Item/ nim Magsamendöl so viel gnug ist/ mische darunter ein wenig Wein/ vnd schmiere damit die Haar/ sie werden schön.

Item/ nim schwarze Seiffe/ vngesachten Kalk/ Silberschaum/ jedes so viel gnug ist/ mache darauß eine Salbe/ schmiere damit die Haar/ so werden sie schwarz.

Item/ bürste das Haar mit einer bleyenen Bürsten/ so bleibet das Haar schwarz.

Oder nim Kraheneyer/ mache ein Öl darauß/ lege ein Bürste darein von Horn gemacht/ so lang biß das Öl eingedorret/ kess/ oder streich das Haar damit/ so wird es schwarz/ wenn man es in die lunge brauchen thut.

Item/ nim Egeln/ beisse sie 60. Tage in rhotem Wein/ oder Essig/ in einem bleyenen Geschirz/ vnd schmiere damit das Haar an der Sonnen/ so wird es schwarz.

Die Haar falb zu ferven

Laß 1. Pfund Alaun in 2. maß Wasser sieden/ so lange biß dich das Wasser auff deine Zunge beist/ thue darnach 4. vnken Damascener Seiffe geschabt darein/ laß alles 2. Stunden lang mit einander sieden/ zerlaß das Wasser in einem Glase/ laß es 8. tage an der Sonnen stehen/ darnach brauch es/ nim einen Schwamm/ stoß ihn in das Wasser/ daß es ein wenig warm sey/ vnd nehe die Haar an der Sonnen/ etlich mal damit/ wasche darnach deinen Kopff mit sanfter Laugen/ vnd truckne die Haar/ daß sie halb feucht bleiben/ thue darnach Kneblockschalen vffs fehr mit Bertino, Schwefel/ vnd laß
den